

## ԸՆԴՈՒՆԵԼՈՒԹՅՈՒՆ

### Համագործակցության հեռանկար երկու երկրների համար



ՀՀ գյուղատնտեսության նախարար Սերգո Կարապետյանն ընդունել է Հայաստանում Կանադայի արտակարգ և լիազոր դեսպան Ջոն Բյուրի գլխավորած պատվիրակությանը, որի կազմում էին նաև Կանադայի դեսպանության նախարար-հյուպատոս (Առևտրի և Էկոնոմիկայի հարցերով) Նատալի Բեշամը և Խոզի միջադրույթների կանադական ասոցիացիայի (Canada Pork International) նախագահ ժակ Պոմերոն:

Ողջունելով հյուրերին և բարձր գնահատելով նրանց ջանքերը հայ-կանադական գործարար կապերի ամրապնդման գործում՝ նախարարը վստահություն է հայտնել, որ հանդիպումը կնպաստի գյուղատնտեսության ոլորտում երկկողմ համագործակցության ընդլայնմանը: Հակիրճ ներկայացնելով Հայաստանի Հանրապետությունում ոլորտի ներկա վիճակը և ընդգծելով աշխարհի առաջատար երկրների փորձի ընդօրինակման ու ժամանակակից տեխնոլոգիաների ներդրման անհրաժեշտությունը՝ նախարարը Կանադայի հետ փորձի փոխանակումը հատկապես օգտակար և իրատեսական է գնահատել: «Նկատի ունենալով այն հանգամանքը, որ Հայաստանի բնակլիմայական պայմանները բարենպաստ են գյուղատնտեսական մթերքների արտադրության համար՝ կարծում եմ, որ ներդրումային տեսանկյունից, մեր երկիրը հետաքրքրություն կառաջացնի կանադացի ներդրողների համար», - նշել է նախարարը:

Գյուղատնտեսության բնագավառում, Կանադայի հետ համագործակցության հեռանկարային ճյուղերի թվում, նախարարը նշել է տավարաբուծության, խոզաբուծության, թռչնաբուծության ոլորտները, ինչպես նաև՝ ջերմոցային տնտեսությունների և պտղատու այգիների ստեղծումը:

Է 2

### Հայ-ամերիկյան համագործակցություն

ՀՀ գյուղատնտեսության նախարար Սերգո Կարապետյանն ընդունել է Հայաստանում ԱՄՆ նորանշանակ արտակարգ և լիազոր դեսպան Ռիչարդ Միլսին:

Շնորհավորելով հյուրին մեր երկրում դիվանագիտական առաքելությունն ստանձնելու կապակցությամբ՝ նախարարը նշել է, որ նրա պաշտոնավարման ընթացքում հայ-ամերիկյան հարաբերությունները նոր լիցք կստանան: «Տարիների ընթացքում արդյունավետ հարաբերություններ են ձևավորվել ՀՀ գյուղատնտեսության նախարարության, ԱՄՆ դեսպանատան և մեր հանրապետությունում գործող ամերիկյան միջազգային կառույցների միջև: Վստահ եմ, որ այդ փոխգործակցությունը շարունակական բնույթ կկրի», - նշել է նախարարը:

Հանդիպման ժամանակ Ս. Կարապետյանը հանգամանորեն ներկայացրել է հանրապետության գյուղատնտեսության ոլորտի ներկա վիճակը, վերջին տարիներին գրանցված արդյունքները, իրականացվող ընթացիկ ու առաջիկա ծրագրերը:

Ոլորտի առաջնային խնդիրների շարքում նախարարն առանձնացրել է կոոպերատիվների ստեղծման, ոռոգման ժամանակակից համակարգերի ու հակակարկտային ցանցերի ներդրման, տոհմային գործի բարելավման, պտղատու նոր այգիների ստեղծման, ինչպես նաև գյուղացիական տնտեսություններին նորագույն գյուղատեխնիկայով ապահովելու անհրաժեշտությունը:

Դեսպան Ռիչարդ Միլսն, իր հերթին, գոհունակություն է հայտնել գյուղատնտեսության ոլորտում ձևավորված հայ-ամերիկյան համագործակցության բարձր մակարդակով և վստահեցրել, որ իր պաշտոնավարման ընթացքում կներդնի առավելագույն ջանքեր՝ այս ոլորտում փոխգործակցությունը խորացնելու նպատակով:

## ՊԱՇՏՈՆԱԿԱՆ

### Հանրապետության նախագահը Արարատի մարզում էր

Հանրապետության նախագահն այցելել է մարզի Արտաշատ համայնքի վարչական տարածքում գտնվող «Գրինհաուզ» ընկերություն, որը հիմնադրվել է 2011 թվականին՝ ջերմոցային համալիր կառուցելու և բանջարաբոստանային կուլտուրաների արտադրություն կազմակերպելու նպատակով: Ընկերության հիմնական գործունեությունը՝ թարմ ու վերամշակված պտուղաբանջարեղենի արտահանումն է դեպի ԱՊՀ և Եվրոպական երկրներ:

Հանրապետության գյուղատնտեսության ոլորտի պատասխանատուների և «Գրինհաուզ» ընկերության ղեկավարության ուղեկցությամբ, նախագահը շրջայց է կատարել ջերմոցային համալիրում, ծանոթացել իրականացված ավելի քան 15 մլն ԱՄՆ դոլարի ներդրումներին և դրանց արդյունքում ստեղծված պայմաններին, այդ թվում՝ միջազգային չափանիշներին համապատասխան ենթակառուցվածքներին ու ընկերության զարգացման ծրագրերին:

Գյուղատնտեսության ոլորտի պատասխանատուները Սերժ Սարգսյանին ներկայացրել են հանրապետությունում ջերմատնային տնտեսության զարգացման միտումներն ու

Է 2

### ՀՀ կառավարությունում

Մոտ 3.5 տարի առաջ ՀՀ կառավարության հավանությունն ստացած համայնքների խոշորացման և միջհամայնքային միավորումների ձևավորման հայեցակարգով սկիզբ դրվեց ՀՀ վարչատարածքային բարեփոխման, մասնավորապես՝ համայնքների խոշորացման գործընթացին: ՀՀ տարածքային կառավարման նախարարությունը քննարկել է համայնքների խոշորացման ծրագրերի երկու տարբերակ՝ ծրագրային և վարչական: Ծրագրային հիմնավորմամբ՝ խոշորացման համար ընտրվել է 14 համայնքային փուլ: Նաև նպատակահարմար է գտնվել իրականացնել համայնքների խոշորացման մի քանի պիլոտային ծրագիր՝ նախապես այդ համայնքում անցկացնելով տեղական հանրաքվե:

2015 թ. իրականացվելու է 3 պիլոտային ծրագիր՝ Լոռու մարզի Թումանյան, Սյունիքի մարզի Շինուհայր, Տավուշի մարզի Դիլիջան համայնքային փնջերով, որտեղ, կառավարության որոշմամբ, ս.թ. մայիսի 17-ին կանցկացվի տեղական հանրաքվե՝ պարզելու համար, թե քանակիցները կհամաձայնվե՞ն արդյոք, որպեսզի շրջակա համայնքները միավորվեն՝ կենտրոն ունենալով նշված բնակավայրերը: Վարչապետ Յուրի Կերասիմյանի դիտարկմամբ, սա համայնքների խոշորացման առաջին քայլն է: Երեք փուլը համայնքների միավորման վերաբերյալ դժգոհություն կամ վիճելի հարց չկա: Բարեփոխումը շարունակություն է ունենալու:

ՀՀ կառավարությունն իր մի շարք որոշումներում կատարել է փոփոխություններ, որոնց նպատակը՝ սննդամթերքի անվտանգության ոլորտի սանիտարական կանոնների և նորմերի պահպանման վերահսկողությունը մեկ լիազոր մարմնի՝ ՀՀ գյուղատնտեսության նախարարության սննդամթերքի անվտանգության պետական ծառայության միջոցով իրականացնելն է: Ակնկալվում է, որ որոշումը կնպաստի ոլորտում թույլ տրված իրավախախտումների վերացմանը և կանխարգելմանը միտված օրենսդրության արդյունավետ իրականացմանը: Վարչապետը նշել է, որ ինքն անձամբ հետամուտ է լինելու, որպեսզի որոշումը հստակ իրականացվի:

**Գյուղատնտեսական կոոպերատիվների կարիքների բացահայտումը խմբային մեթոդով** Էջ 4

**Պաշտոնավարման ծրագրեր** Էջ 5

**Մասնագետի խորհուրդը** Էջ 7



ՀԱՆԳԻՊՈՒՄ

Հաջողված փորձը նոր ծրագրի սկիզբ է

«Գյուղատնտեսության նախարար Սերգո Կարապետյանն ընդունել է Համաշխարհային բանկի պարզաբանությանը, որի կազմում էին ՀՔ ծրագրերի պատասխանատու, «Համայնքների գյուղատնտեսական ռեսուրսների կառավարման և մրցունակության ծրագրի» (CARMAC) ղեկավար Արուսյակ Ալավերդյանը, ՀՔ գյուղատնտեսության գծով ավագ տնտեսագետ, CARMAC 2 ծրագրի ղեկավար Բեքզոլ Շամսիևը և այլ պաշտոնատար անձինք: Հանդիպմանը ներկա էին նաև ՀՀ ԳՆ



սննդամթերքի անվտանգության պետական ծառայության պետ Արմեն Հայրապետյանը և «Գյուղատնտեսական ծրագրերի իրականացման գրասենյակի» տնօրեն Գագիկ Խաչատրյանը:

Բարձր գնահատելով ՀՀ գյուղատնտեսության նախարարության կողմից և Համաշխարհային բանկի աջակցությամբ իրականացվող «Համայնքների գյուղատնտեսական ռեսուրսների կառավարման և մրցունակության» ծրագրի (CARMAC) շրջանակում հանրապետությունում արձանագրված արդյունքները՝ նախարարը համոզմունք է հայտնել, որ ծրագրի երկրորդ փուլը ևս արդյունավետ կլինի: «Ծրագրի երկրորդ փուլի արդյունքում հնարավորություն կստեղծվի ապահովել մասնավորապես՝ կաթի, մսի, պտուղ-բանջարեղենի արտադրության ոլորտներում իրացվող և արտահանվող արտադրանքի ծավալային աճ», - նշել է նախարարը: Նրա խոսքով՝ CARMAC 2 ծրագրի թիրախային հիմնական նպատակներն են՝ ագրոպարենային արժեշտայնություն արտադրվող և շուկայահանվող արտադրանքի ծավալների աճը, գյուղատնտեսական կոոպերատիվների հզորացումը, ինչպես նաև գյուղատնտեսական արտադրանքի իրացման և վերամշակման համար կայուն հարթակի ստեղծումը:

Իր հերթին, կարևորելով CARMAC 1 ծրագրի դրական արդյունքները՝ Արուսյակ Ալավերդյանը պատրաստակամություն է հայտնել ընդլայնել բանկի համագործակցությունը ՀՀ գյուղատնտեսության նախարարության կառավարման ոլորտում գործող կառույցների՝ Սննդամթերքի անվտանգության պետական ծառայության և Ջրային տնտեսության պետական կոմիտեի հետ:

CARMAC 2 ծրագրի ղեկավար Բեքզոլ Շամսիևն ընդգծել է, որ CARMAC 1 ծրագրի իրականացման հաջող փորձը օգտակար և ուսուցողական կլինի միջազգային այլ կառույցների համար:

ԱԶՍԿՅՈՒԹՅՈՒՆ

Բիզնես՝ Եվրամիության աջակցությամբ

ՀՀ-ում Եվրամիության պարզաբանությունը և Հայաստանի երիտասարդ կանանց սոցիալական (ՀԵԿԱ) օրերու Ախթալայում նշեցին Կանանց միջազգային փորձը: Միջոցառման նպատակն էր՝ հանրությանը ներկայացնել «Կանանց սոցիալ-տնտեսական հզորացում Հայաստանում» ծրագրի ձեռքբերումները: Այս համարել նախաձեռնությունը ևս մեկ առիթ էր՝ նշանավորելու ԵՄ պարզաբանականությունը՝ օգնելու կանանց կայանալ հասարակական, քաղաքական, տնտեսական, կրթական, մշակութային և այլ ոլորտներում:



արդեն ֆինանսավորվել են: Դրական գնահատական ստացած 11 ծրագրերը գտնվում են վերջնական հաստատման, ընկերությունների գրանցման և փաստաթղթավորման փուլում, որից հետո նրանց նույնպես, դրամաշնորհի տեսքով, կտրամադրվեն ֆինանսական միջոցներ», -ասաց նա:

Միջոցառմանը ներկա էին նաև Լոռու փոխմարզպետ Արսեն Դարբինյանը և Ախթալայի քաղաքապետ Հայկ Խաչիկյանը, ովքեր մարզի համայնքների ղեկավարների հետ գործունե աջակցություն են ցուցաբերել ծրագրի իրականացման գործում: Ծրագրի նպատակն է՝ խթան հանդիսանալ Լոռու մարզի կանանց տնտեսական կարողությունների զարգացմանը՝ այդպիսով նպաստելով կանանց սոցիալ-տնտեսական իրավիճակի բարելավմանը: Ծրագրի իրականացման համար ԵՄ-ն հատկացրել է 768.357 եվրո: Նելլի Սահակյան

ԾՐԱԳԻՐ

Միջոցառումների լիարժեք կատարում

«Գյուղատնտեսության նախարարի առաջին տնտեսական Գրիշա Բաղդասարյանը հերթական աշխատանքային այցով մեկնել է Շիրակի մարզ, որտեղ խորհրդակցություն է անցկացրել անասնաբուժության ոլորտի խնդիրների վերաբերյալ:

Խորհրդակցությանը մասնակցում էին Շիրակի մարզպետի տեղակալ Հարություն Արշակյանը, գյուղատնտեսության և բնապահպանության վարչության պետ Մովսես Մանուկյանը, համայնքապետեր, անասնաբույժներ և տեսուչներ:

Խորհրդակցության ընթացքում տեղի պատասխանատուների հետ քննարկվել են մարզի անասնաբուժական բնագավառի ընդհանուր իրավիճակին առնչվող հարցեր, այդ թվում՝ առկա թերություններն ու բացթողումները, նաև դրանք շտկելու ուղիները:

Գրիշա Բաղդասարյանը խոսքով՝ «Գյուղատնտեսական կենդանիների պատվաստում» ծրագրի շրջանակում, 2015 թվականին, Շիրակի մարզին անասնաբուժական համաճարակային միջոցառումներ իրականացնելու նպատակով, հատկացվել են շուրջ 45 մլն դրամի կանխարժեքի և ավտորոշիչ միջոցներ: Փոխնախարարը կարևորել է անասնաբույժների պարտականությունների լիարժեք կատարումը՝ հատկապես ժամանակին և պատշաճ մա-

կարդակով կենդանիների կանխարժեքի և ավտորոշիչ միջոցառումների իրականացումը:

Մարզ կատարած այցի շրջանակում, փոխնախարարը եղել է նաև մի շարք ֆերմերային տնտեսություններում, որտեղ հետևել է «Հայաստանի Հանրապետությունում 2007-2015 թվականների տավարաբուծության զարգացման ծրագրի» շրջանակում ձեռք բերված տոհմային երիտզնների պահպանման, խնամքի, տոհմային գործի բարելավման աշխատանքների ընթացքին:

Այնուհետև փոխնախարարն այցելել



է Շիրակի մարզի Ազատան համայնքում CARD հիմնադրամի կողմից կառուցված գյուղատնտեսական և անասնաբուժական սպասարկման կենտրոն, ծանոթացել իրականացվող անասնաբուժական ծառայությունների, արհեստական սերմնավորման աշխատանքներին:

ՀԱՄԱՅՆՔԱՅԻՆ

Հերթական համատեղ սեմինարը

Վերջերս, Ապարանի տարածաշրջանի Ծաղկաշեն և Եղիպարուշ համայնքների բնակիչների խնդիրներով, Արագածոտնի գյուղատնտեսության աջակցության մարզային կենտրոնի և Գյուղատնտեսության աջակցության հանրապետական կենտրոնի հետ համատեղ հերթական սեմինարը:

Սեմինարին մասնակցում էին ԳԱՀԿ-ի տնօրենի տեղակալ Արշալույս Հայրապետյանը, ԳԱՄԿ-ի տնօրեն Խորեն Մկրտչյանը, ԳԱՄԿ-ի մասնագետները և Ապարանի տարածաշրջանի խորհրդատուները: Մասնակցում էին ՀԱՀԿ-ի համաճարակաբանության ու մակաբուծության ամբիոնի վարիչ, անասնաբուժական գիտությունների դոկտոր-պրոֆեսոր Հովհաննես Նաղաշյանը և Սննդի անվտանգության դեպարտմենտի պետական կենտրոնի առաջատար գիտաշխատող, կենսաբանական գիտությունների թեկնածու Ալֆրեդ Գրիգորյանը:

Ծաղկաշեն համայնքում հավաքվել էին մեծ թվով գյուղատնտեսությամբ զբաղվող մարդիկ, ովքեր ունեին բազմաթիվ հարցեր, որոնց պատասխանները լսելու համար էլ խնդրել էին կազմակերպել այդ հանդիպումը:

Ալֆրեդ Գրիգորյանը ներկայացրեց «Կարտոֆիլի քաղցկեղ» հիվանդության մասին, որն այսօր հրատապ թեմա է: Այդ հիվանդության մասին շատ ավելի տեղեկացված լինելն, անշուշտ, անհրաժեշտություն էր կարտոֆիլագործությամբ զբաղվող



ապարանցիների համար: Իսկ անասնաբուժական գիտությունների դոկտոր, պրոֆեսոր Հովհաննես Նաղաշյանը մանրամասնեց գյուղատնտեսական կենդանիների արյան մակաբուծային հիվանդությունների մասին:

Այնուհետև սեմինարն անցկացվեց Եղիպարուշ համայնքում, որտեղ նույնպես հավաքվել էին հետաքրքրասեր և գյուղատնտեսության ասպարեզում ավելի շատ գիտելիքներ ձեռք բերելու ընդունակությամբ օժտված գյուղացիներ: Հովհաննես Նաղաշյանը և Ալֆրեդ Գրիգորյանը ներկայացրեցին «Կարտոֆիլի քաղցկեղ», «Գյուղատնտեսական կենդանիների արյան մակաբուծային հիվանդությունները» թեմաներով իրենց ելույթները: Երկու համայնքներում էլ հանդիպումն ունեցավ մեծ լսարան և ապահովեց բարձր արդյունավետություն:

Մասնակիցներին տրամադրվեցին ԳԱՀԿ-ի և ԳԱՄԿ-ի կողմից պատրաստված բազմաթույթ թեմաների վերաբերյալ նյութեր:

Անուշ Մելքոնյան









